

statam facerem . Hæsitabam tamen ,
quonam potissimum ex iis , quas in
promtu manu exaratas habebam , qua-
libuscumque lucubrationibus documen-
to in lucem edito , id præstarem , quod
dudum optaveram . Verum recolenti
mihi ea tempora , quando Apostolica
in Syriam Ablegatione , a Clemente XII.
Pontifice Maximo mihi demandata ,
tres integros annos utcumque perfun-
ctus , in hanc Urbem redii , condito-
rum in Synodo Nationali , cui præfue-
ram , Canonum rationem Supremæ Se-
di , ut par erat , redditurus ; protinus
obversata est , excitata a nonnullis cir-
ca eandem Synodus controversia : cui
expendendæ atque dijudicandæ Tu unus ,
SANCTISSIME PATER , ex Eminentissimis
Cardinalibus Sacrae Congregationi de
Propaganda Fide præpositis , a sapien-
tissimo Pontifice Benedicto XIV. cen-
sor , arbiterque delectus fuisti .

Quamquam enim Josephus Patriar-
cha Antiochenus , vir zelo Ecclesiasti-
cæ